

以下題目分甲、乙二類。請從每類中各選二題作答。換言之，請從1、2、3題中選二題作答，從4、5、6題中選二題作答。

請將選答題目所述之文字，以通俗白話譯述出來，並闡述其學說要旨。

甲類題目：

1.《論語》

- (1) 子曰：「南人有言曰：『人而無恆，不可以作巫醫。』善夫！『不恆其德，或承之羞。』」子曰：「不占而已矣。」
- (2) 子曰：「不逆詐，不億不信。抑亦先覺者，是賢乎！」
- (3) 顏淵、季路侍。子曰：「盍各言爾志？」子路曰：「願車馬衣裘，與朋友共敝之而無憾。」顏淵曰：「願無伐善，無施勞。」子路曰：「願聞子之志。」子曰：「老者安之，朋友信之，少者懷之。」

2.《老子》

- (1) 古之善為道者，微妙玄通，深不可識。夫唯不可識，故強為之容。豫兮若冬涉川，猶兮若畏四鄰；儼兮其若客；渙兮其若釋；敦兮其若樸；曠兮其若谷；混兮其若濁；孰能濁以靜之徐清？孰能安以動之徐生？保此道者不欲盈。夫唯不盈，故能蔽而新成。(15章)
- (2) 上德不德，是以有德；下德不失德，是以無德。上德無為而無以為；下德為之而有以為。上仁為之而無以為；上義為之而有以為。上禮為之而莫之應，則攘臂而扔之。故失道而後德，失德而後仁，失仁而後義，失義而後禮。夫禮者，忠信之薄，而亂之首。前識者，道之華，而愚之始。是以大丈夫處其厚，不居其薄；處其實，不居其華。故去彼取此。(38章)
- (3) 反者道之動，弱者道之用。天下萬物生於有，有生於無。(40章)

3.《易經》

- (1) 坤卦：元亨，利牝馬之貞。君子有攸往，先迷後得主。利西南得朋，東北喪朋。安貞吉。
- (2) 蠱卦：元亨，利涉大川。先甲三日，後甲三日。
- (3) 損卦：有孚，元吉。无咎，可貞。利有攸往。曷之用？二簋可用享。

乙類題目：

4.《摩訶止觀》：觀法無我

又復當觀無量劫來，多約「名、色」及以「想、行」，而計「我、人」。若其執作，忽聞讚、罵；云：『讚、罵我。』立、行、住、坐、臥，一切事物皆計於我；如膠塗手，隨執、隨著。《經》云：「凡夫若離我心，無有是處。」若遭貧窮、失於本心，亦計我不息。若得富貴，恣勢縱毒、酷害天下，赫怒隆盛、怨枉無辜，諸業興起皆我所為，誰代當者？逆風執火，豈不燒手！如彼夜

見背面

房，謂言有鬼；天明照了，乃本舊人。又無智慧故，計言有我；以慧觀之，實無有我。我在何處？頭、足、支、節，一一諦觀，了不見我。何處有人及以眾生？業力機關，假為空聚；從眾緣生，無有宰主；如宿空亭，二鬼爭屍。如此觀時，我倒休息。

5. 《六祖壇經·護法品》

薛簡曰：「修道之人，倘不以智慧照破煩惱，無始生死，憑何出離？」師曰：「煩惱即是菩提，無二、無別。若以智慧照破煩惱者，此是二乘見解，羊、鹿等機。上智大根，悉不如是。」薛簡曰：「如何是大乘見解？」師曰：「明與無明，凡夫見二；智者了達，其性無二。無二之性，即是實性。實性者，處凡愚而不減，在賢聖而不增，住煩惱而不亂，居禪定而不寂。不斷不常，不來不去，不在中間、及其內外，不生不滅，性相如如，常住不遷，名之曰道。」

6. 王龍溪，《王龍溪全集·撫州擬峴臺會話》

先師首揭良知之教以覺天下，學者靡然宗之，此道似大明於世，。凡在同門，得於見聞之所及者，雖良知宗說，不敢有違，未免各以其性之所近，擬議攙和，紛成異見。有謂：「良知非覺照，須本於歸寂而始得，如鏡之照物，明體寂然，而妍媸自辨；滯於照，則明反眩矣。」有謂：「良知無見成，由於修證而始全；如金之在礦，非火符鍛鍊，則金不可得而成也。」有謂：「良知是從已發立教，非未發無知之本旨。」有謂：「良知本來無欲，直心以動，無不是道，不待復加銷欲之功。」有謂：「學有主宰，有流行，主宰所以立性，流行所以立命，而以良知分體用。」有謂：「學貴循序，求之有本末，得之無內外，而以致知別始終。」